

Ўзбекистон Республикаси Транспорт вазирлиги ва унинг идоравий мансуб ташкилотлари ходимларининг одоб-ахлоқ қоидалари

I. Умумий қоидалар

1. Ўзбекистон Республикаси Транспорт вазирлиги ва унинг идоравий мансуб ташкилотлари ходимларининг одоб-ахлоқ қоидалари Ўзбекистон Республикаси Вазирлар Маҳкамасининг 2016 йил 2 мартағи 62-сон қарори билан тасдиқланган Давлат бошқаруви органлари ва маҳаллий ижро этувчи ҳокимият органлари ходимларининг одоб-ахлоқ намунавий қоидалари асосида ишлаб чиқилған бўлиб, Ўзбекистон Республикаси Транспорт вазирлиги ва унинг ташкилий тузилмалари (кейинги ўринларда Вазирлик деб аталади) ходимларининг одоб-ахлоқ қоидалари (кейинги ўринларда қоидалар деб аталади) уларнинг касбий одоб-ахлоқининг умумий принциплари ва хизмат жараёнидаги хулқ-атворининг асосий қоидалари йигиндисидан иборат.

2. Қоидалар хукуқбузарликнинг олдини олишга, уларнинг содир этилишининг сабаб ва шарт-шароитларини бартараф этишга, давлат хизматларини юксак хукуқий онг, Ўзбекистон Республикасининг Конституцияси, қонунлари ва бошқа норматив-хукуқий ҳужжатларига, фуқароларнинг хукуқ ва эркинликларига қатъий риоя қилиш руҳида тарбиялашга йўналтирилган.

3. Вазирлика ишга кираётган шахслар қоидалар билан имзо қўйдирилган ҳолда таништирилади.

4. Давлат хизматчилари қонун ҳужжатлари ва одоб-ахлоқ қоидалари талабларига риоя этишлари шарт. Қоидалар талабларига риоя этиш давлат хизматдаги хулқ-атворни баҳолаш мезонларидан бири ҳисобланади.

II. Вазирлик ходимларининг хизматдаги хулқ атворининг асосий принциплари ва қоидалари

5. Вазирлик ходимлари ўз касбий фаолиятини қуйидаги принциплар асосида амалга оширадилар:

қонунийлик;

фуқаролар хукуклари, эркинликлари ва қонуний манфаатларининг устуворлиги;

ватанпарварлик ва хизмат бурчига фидоийлик;

давлат ва жамият манфаатларига содиқлик;

адолатлилик, ҳалоллик ва холислик;

манфаатлар тўқнашувига йўл қўймаслик.

6. Вазирлик ходимлари қуйидагиларга мажбур:

хизмат вазифаларини бажаришда давлат принциплари ва талабларига қатъий риоя этиш;

ўз хизмат вазифаларини вижданан юксак касбий даражада бажариш;

юқори давлат органлари ва мансабдор шахсларнинг ўз ваколатлари доирасида қабул қилган (берган) қарорларини (топшириқларини) ўз вақтида ва сифатли бажариш;

ўз фаолиятини қонун ҳужжатларида ва ички ҳужжатларда белгиланган лавозим ваколатлари доирасида амалга ошириш;

ўз хизмат вазифаларини бажаришда бирор-бир шахслар, гурухлар ёки ташкилотларга ён босмаслик ва устунлик бермаслик, уларнинг таъсиридан мустакил бўлиш, фуқароларнинг ҳуқуқлари, мажбуриятлари ва қонуний манфаатларини ҳисобга олиш, камситиш ҳолатларига йўл қўймаслик;

ўз хизмат вазифаларини бажаришга тўсқинлик қилувчи бирор-бир шахсий, мулкий ва бошқа манфаатларнинг таъсири билан боғлиқ бўлган хатти-ҳаракатларга барҳам бериш;

норматив-ҳуқуқий ҳужжат ва идоравий ҳужжатларда белгиланган чеклашлар ва тақиқларга риоя қилиш ўз хизмат вазифаларини оғишмай бажариш;

ўз хизмат фаолиятига бирор-бир таъсир кўрсатиш имкониятига барҳам бериш;

Ўзбекистон Республикаси ва бошқа давлатлар халқларининг урфодатлари ва анъаналарини ҳурмат қилиш, турли этник ижтимоий гурухлар ва конфессияларнинг маданий ҳамда бошқа хусусиятларини ҳисобга олиш ижтимоий барқарорликка миллатлараро ва конфессиялараро тотувликка кўмаклашиш;

ўзларининг хизмат вазифаларини вижданан бажаришда шубҳа пайдо қилиши мумкин бўлган хулқ-атвордан ўзини тийиш, шунингдек ўз обрўсини ёки Вазирликнинг нуфузига зарар етказишга қодир бўлган вазиятларга йўл қўймаслик;

хизмат мавқеидан давлат органлари бошқа ташкилотлар, уларнинг мансабдор шахслари шунингдек фуқаролар фаолиятига ноқонуний таъсир кўрсатиш учун фойдаланмаслик, хизмат мажбуриятларининг бажарилиши муносабати билан жисмоний ва юридик шахслардан соввалар ва бошқа хизматларни қабул қилинишига йўл қўймаслик;

коррупция кўринишлирага қаршилик қилиш, айrim шахсларнинг давлат манфаатларига зиён етказадиган манфаатларини қўллаб-кувватланишига имкон бермаслик;

Вазирликда хабарларни ва хизмат ахборотларини тақдим қилишнинг белгиланган қоидаларига риоя этиш хизмат доирасидаги ахборотларни ва иш жараёнида аён бўлган бошқа чекланган фойдаланишдаги маълумотларни ошкор қилинишига ёхуд ундан ғаразли ва бошқа шахсий мақсадларда фойлаланишига йўл қўймаслик (инсайдерлик);

Ўзбекистон Республикаси Транспорт вазирлиги ва унинг ташкилий тузилмалари фаолиятига тааллукли бўлган маълумотлар, ахборотларни сир сақлашга, улар ўрнатилган тартибда сўралган тақдирда раҳбарият кўрсатмасисиз бермасликка;

мехнат жамоаси аъзоларини ҳақорат қилмасликка, яъни шахснинг шаъни ва қадр-қимматини қасдан камситмасликка, тухмат қилмасликка;

мехнат жамоаси аъзолари шунингдек иш жараёнида муносабатда бўладиган бошқа шахслар билан хушмуомалада бўлишга мажбурдирлар; кадрларни қариндошлиқ, маҳаллийчилик ва шахсий содиқлик аломатларига қараб танлаш ва жой-жойига қўйиш ҳолатларига йўл қўймаслик;

Вазирликнинг бошқа ходимлари томонидан йўл қўйилган ўзига маълум бўлган ҳуқуқни бузиш ҳолатлари тўғрисида Агентлик раҳбариятига оғзаки ёки ёзма равишда хабар бериш;

ўз хизмат вазифаларини бажариш даврида камтарин бўлиш, кийинища ишчанлик услубига амал қилиш, Вазирлик ходимларига хос бўлган кийиниши маданиятига (классик услубдаги шим (костюм) ҳамда пойафзал, куйлак ва галстук) риоя қилган ҳолда кийиниши;

жисмоний ва юридик шахсларнинг давлат идоралари, шу жумладан, Ўзбекистон Республикаси Транспорт вазирлигига нисбатан ишончини мустаҳкамлашга ёрдам бериш;

ўз ҳаракатлари ва қарорлари билан раҳбарият ва бошқа шахслар томонидан асосли танқидларга имкон бермаслик, танқид учун таъқиб қилинишига йўл қўймаслик, унга чидамли муносабатда бўлиш, асосли танқиддан камчиликларни бартараф қилиш ва ўз касбий фаолиятини яхшилашда фойдаланиш;

жисмоний ва юридик шахсларнинг мурожаатларини кўриб чикища бюрократизм ва сансалорликка йўл қўймаслик, белгиланган муддатларда улар бўйича зарур чораларни кўриш;

ўзлари билан боғлиқ барча фавқулодда ҳодисалар (хизмат мажбуриятларини бажариш билан боғлиқ таҳдид, йўл-транспорт ҳодисаси, фаолиятига ноқонуний аралашувлардан ходимларнинг ва улар оила аъзоларининг шахсий ҳаёти соғлиги ва мол-мулкини тажовузлар ва бошқалар) ҳакида Вазирлик раҳбариятига ёзма ахборот бериш.

7. Сиёсий, иқтисодий жиҳатдан мақсадга мувофиқлик, шунингдек шахсий важлар ва бошқа субъектив сабаблар давлат хизматчиларининг қонун ҳужжатлари талабларини ва қоидаларни бузиши учун асос бўла олмайди.

8. Агар қонун ҳужжатларида бошқача тартиб назарда тутилмаган бўлса, давлат хизматчиларига ўз хизмат вазифаларини бажариш муносабати билан бирор-бир моддий бойликларни олиш ёхуд жисмоний ёки юридик шахслардан бошқача наф кўриш таъқиқланади.

9. Вазирлик ходимлари коррупция ҳолатларига қарши курашиш ва уларнинг профилактикасига фаол кўмаклашиши шарт.

Вазирлик ходимлари ўз раҳбарини ёхуд ҳуқуқни муҳофаза қилиш органларини уларни ҳуқуқбузарликлар содир этишга оғдириш мақсадида, бирор-бир шахсларнинг қилган мурожаатларининг барча ҳолатлари тўғрисида шунингдек бошқа давлат хизматчилари томонидан содир этилган ҳуқуқбузарликларнинг ўзларига маълум бўлган ҳар қандай ҳолатлари ҳақида хабардор қилиши шарт.

Вазирлик раҳбарлари шахслар томонидан қонунчиликнинг бузилиши фактлари тўғрисида мурожаат қилганлиги муносабати билан ёхуд билдирилган фикр ва мурожаатдаги танқиди учун, худди шунингдек бошқача

шаклда танқид қилғанлиги учун ишдан бўшатилишига ёки бошқача шаклда таъқиб қилинишига йўл қўймаслигини таъминлаши керак.

10. Вазирлик ходимлари касбий фаолияти давомида ўзларига маълум бўлган ахборотни сақланишини ва маҳфийлигини таъминлаш юзасидан барча чораларни кўришлари шарт, уларнинг ошкор этилганлиги учун улар қонун хужжатларида белгиланган тартибда жавоб берадилар.

11. Раҳбар ўзига бўйсунувчи ходимларга нисбатан юқори профессионализм, софлик ваadolатда ўрнак бўлиши Вазирликда ёхуд унинг таркибий ёки худудий бўлинмасида маънавий психологик муҳит шаклланишига кўмаклашиши лозим у бўйсунувчи ходимлардан уларнинг хизмат вазифалари доирасидан чиқиб кетадиган топшириқларни бажаришини талаб қилмаслиги, шунингдек қонунга хилоф хатти-харакатларни содир этишга ундамаслиги керак.

Раҳбар кадрларни қариндошлиқ ҳамشاҳарлик ёки шахсий садоқат белгилари бўйича танлаш ва жой-жойига қўйиш ҳолатларига йўл қўймаслиги керак. У гурухбозлик маҳаллийчилик, фаворитизм кўринишларининг, шунингдек ўз хизмат вазифаларини бажариш жараёнида бошқа салбий омилларнинг қатъий равища олдини олиши лозим.

Раҳбар:

манфаатлар тўқнашувининг олдини олиш ва уларни тартибга солиш юзасидан ўз вақтида чора-тадбирлар қўриши;

қўл остидаги ходимларга нисбатан асоссиз айблар қўйиш, қўполлик қилиш, инсон қадр-қимматини камситиши, беандишилик ҳолатларига йўл қўймаслик, ходимларни умум қабул қилинган одоб-ахлоқ меъёрларига мос келмайдиган қонунга зид ножӯя хатти-харакат ва ишларни бажаришга мажбур этмаслиги;

коррупциянинг олдини олиш чораларини қўриши;

ходимларни самарали бошқариши, ўзига ишониб топширилган мулкка ва молиявий маблағларга эҳтиёткорлик ва тежамкорлик билан муносабатда бўлиши шарт. Раҳбар ўзига бўйсунувчи, хизматдаги ҳулқ-атвори принциплари ва қоидаларини бузაётган ходимларнинг хатти-харакатларига (харакатсизлигига) йўл қўймаслик чораларини кўрмаганлиги учун жавоб беради.

12. Вазирлик ходимлари ўзларининг хизматдаги ҳулқ-атвори билан жамоада бошқа давлат хизматчилари билан ўзаро ишchanлик ва амалий ҳамкорлик қарор топишига даъват этилган.

Вазирлик ходимлари хушмуомала, илтифотли, одбли, эътиборли, фуқаролар ва ҳамкаслари билан муносабатда сабр-тоқатли бўлиши, уларни ҳурмат қилиши шарт. Вазирлик ходимлари ўзига бўйсунувчиларга ва фуқароларга нисбатан қўполлик қилмаслиги одамларнинг шаъни ва қадр-қимматини камситмаслиги, уларга ассоссиз психологик ва жисмоний таъсир кўрсатиш ҳолатларига йўл қўймаслик керак.

Хизмат вазифаларини бажариш чоғида иш шароитлари ва хизмат тадбирларининг шаклига боғлиқ ҳолда давлат хизматчиларининг ташки кўриниши фуқароларининг Вазирликка нисбатан ҳурмат билан муносабатда бўлишига ёрдам бериши умумий қабул қилинган иш услугига мувофиқ

бўлиши, улар расмийлиги вазминлиги ва тартиблилиги билан бошқалардан ажралиб туриши керак.

13. Вазирлик ходимлари хизматдан ташқари вақтда умумий қабул қилинган одоб-ахлоқ нормаларига риоя этишлари ғайриижтимоий хатти-ҳаракатларга йўл қўймаслиги керак.

Манфаатлар тўқнашуви

14. Вазирлик ходимлари ўз хизмат вазифаларини бажаришда манфаатлар тўқнашувига сабаб бўладиган шахсий манфаатдорлик ҳолатларига йўл қўймасликлари керак.

Манфаатлар тўқнашуви давлат хизматчиларининг шахсий манфаатлари уларнинг ўз хизмат вазифаларини холисона ва беғараз бажаришига таъсир кўрсатадиган ёки таъсир кўрсатиши мумкин бўлган ҳолатларда пайдо булади.

Вазирлик ходимларининг шахсий манфаатдорлиги уларнинг шахсан ўзи ёки яқин қариндошлари шунингдек улар яқин ёки ишбилармонлик муносабатларида бўладиган бошқа шахслар учун ҳар қандай наф кўриш ёки афзалликларга эга бўлишни ўз ичига олади.

Манфаатлар тўқнашуви юзага келган тақдирда давлат хизматчилари ўз раҳбарини дарҳол хабардор қилиши керак.

Манфаатлар тўқнашуви мавжудлиги тўғрисида маълумотни олган раҳбар уни тартибга келтириш бўйича ўз вақтида чоралар кўриши шарт.

15. Вазирлик мансабдор шахсларига бирор-бир тадбиркорлик фаолияти билан шуғулланиш ва хизмат мавқеидан шахсий мақсадларда фойдаланиш тақиқланади.

Вазирлик ходимлари ўзларининг ўз хизмат вазифаларини зарур даражада бажаришига ёки уларга зарап етказиши мумкин бўлган фаолиятни амалга оширмаслиги шунингдек лавозимни эгалламаслиги керак.

Вазирлик ходими ҳар қандай ҳолатларда ҳам ўз хизмат мавқеидан мумкин бўлмаган шахсий фойдани олиши мумкин эмас.

Вазирлик ходимлари ўз раҳбарини манфаатлар тўқнашувига йўл қўймаслик бўйича чоралар кўриш мақсадида тижорат ташкилотларнинг устав капиталида иштирок этиши тўғрисида хабардор қилиши шарт.

16. Вазирлик ходими лавозимга тайинланаётганда ва хизмат вазифаларини бажараётганда ўзининг хизмат вазифаларини зарур даражада бажаришига таъсир кўрсатиши мумкин бўлган шахсий манфаатдорлигининг мавжудлиги ёки мавжуд бўлиши имконияти тўғрисида маълум қилиши шарт.

Одоб-ахлоқ қоидаларини бузганилик учун жавобгарлик

17. Вазирлик ходими томонидан қоидаларнинг бузилиши уни қонун хужжатларида белгиланган тартибда шунингдек жавобгарликка тортиш учун асос бўлиши мумкин.

18. Вазирлик ходими томонидан қоидаларга риоя этилиши аттестациялар ўтказишда юқори ва бошқа лавозимларга тайинлаш учун кадрлар заҳирасини шакллантиришда хисобга олинади.

19. Ушбу одоб-ахлоқ қоидалари нормаларининг бузилишлари Вазирлик Одоб-ахлоқ комиссияси томонидан кўриб чиқилади.

Одоб-ахлоқ комиссияси Вазирлик ва унинг ташкилий тузилмаси ходимларидан 9 кишидан иборат таркибда тузилади. Одоб-ахлоқ комиссиясининг мақсади, вазифалари, функциялари, хукуқлари, жавобгарлиги ва унинг фаолиятини ташкил этишнинг бошқа масалалари вазирнинг биринчи ўринbosари буйруғи билан тасдиқланади ва одоб-ахлоқ комиссияси тўғрисидаги Низомда белгиланган.

Қоидаларнинг бузилиши ҳолатларини одоб-ахлоқ комиссияси томонидан кўриб чиқиш натижалари бўйича интизомий ёки бошқача тарзда қоида бузилишларининг мавжудлиги (мавжуд эмаслиги) тўғрисида хulosса чиқарилади. Айни вақтда вазирнинг биринчи ўринbosарига кўриб чиқишига қоидалар бузилишини содир этган давлат хизматчисини жавобгарликка тортиш тўғрисида таклиф киритилади. Йўл қўйилган қоида бузилишининг ҳарактерини ҳисобга олган ҳолда одоб-ахлоқ комиссияси давлат хизматчисига нисбатан одоб-ахлоқ қоидаларини бузилишга йўл қўймаслик тўғрисидаги огоҳлантириш билан чекланиши мумкин.

Вазирлик ходимлари ўзлари йўл қўйган қоида бузилиши, қоида бузилишининг кўриб чиқилиши жараёни ҳақида ахборотни олиш ва ўзини ҳимоя қилиш учун далилларни тақдим этиш, шунингдек Вазирликнинг қарорлари юзасидан белгиланган тартибда шикоят қилиш хукуқига эга.